

醫學集要
四



醫學集要 卷之七

靖江朱鳳台慎人甫訂定 男廷審近宸甫對讀

婦科總論

婦室一科。自邯鄲而後有濮陽李師聖施郭稽古產
論二十一篇。世所共尊。惜乎產前則無方。至巢氏病
源證雖詳。而方不具。太平聖惠方雖有。而雜見外。此
則未有聞也。史所載錄婦人嬰兒十九卷。楊氏產乳
集驗三卷。皆有錄無書。顧人生疾病殊科。而婦人所

患較之男子。不啻倍蓰。矧胎產前後防閑不密。調治失宜。禍在瞬息。則婦人受病且多而難治。况醫之候病。止於四術。而切脉爲下。望聞問三事。可施諸丈夫。嬰兒而每窮於女婦。彼朱門艷質。青瑣靜姝。居奧室之中。處帷幔之內。旣不能行望色之神。聽聲之聖。三指之下。所得几許。無已。止恃乎問之一端。醫者盡理質問。愚人見所問繁多。以爲醫學不精。往往得藥不信。昔者扁鵲見齊侯之色。尚不能取信。况未之見耶。

則四診之術俱窮。然則操何道而後可。惟有尋繹其源。神明在我而已。凡婦女之性。陰濁勝而陽明微。慈戀愛憎。嫉妬憂恚。性情鬱滯。染着堅牢。又不出閫戶。無可遣解。不習詩書。無可寬慰。義命之理。茫然怨尤之心。橫起。或有懷未能暢遂。或有病不可告人。含羞諱疾。積久成鬱。鬱久生火。火賊元氣。元氣消燦。外邪乘虛來犯。病斯成矣。雖現症卽有百端。惟鬱傷元氣。可一言以蔽之也。至於師尼寡婦。及違時未笄之女。

醫學集要
鬱情尤甚奏効更難苟不繹源達情而徒責諸草木
是以江河填漏卮雖多亦奚以爲今擇婦科之至要
者如經血帶下胎產乳鬱等條分于左以便覽焉

婦人脉法

婦脉之異乎男者止胎前產後經事來往有孕無孕
等外此則俱與男同今採諸名家得心應手之訣以
爲診要

婦人女子尺脉盛而右手大皆其常也若腎脉微濇

或左手關後尺內脉浮或肝脉沉急或尺滑斷絕不
勻皆經閉不調之候也脉微弱而濇年少得之爲無
子中年得之爲絕產

三部浮沉正等按之無絕者妊也崔紫虛曰婦人有
病而無邪脉此孕非病所以不月有病謂經閉惡心
阻隔飲食脉來和平是也尺按之數而旺亦然左手
尺脉滑實者男右手浮滑者女經曰陰搏陽別謂之
有子陰搏者陰脉搏指全無陽脉是以內經謂之陰

搏陽別與陽脉分別之意。如有孕而陽脉一至。此胎必旦夕墜矣。總在尺脉看。然而左寸亦要看。滑而微洪者。妙。經水不通。脉尺數寸微。其胎已三月也。脉滑重以手按之。散者五月也。右手與左手脉俱大。產二子。孕婦脉弦急。增寒壯熱。唇爪俱青。面黃黑。而尺脉無神。是胎氣損也。當問胎動否。若不動。反覺上攻。搶心悶絕。或下血。當作死胎治。

凡天癸未行之時。屬少陰。既行之後。屬厥陰。凡婦女

病寒及寒熱往來氣滯須問經事若何
產後須問惡露有無及小腹有塊痛否

妊娠或左右脉微弱其胎必墮以氣血無養也屢驗
急宜補養脉弦數太過亦墮火盛也

尺脉常盛滑而流利有神爲胎尺脉濇艱于嗣

一呼一吸脉一至曰離經爲欲產也

難產體寒壯熱舌下脉青黑舌冷子母俱死面赤舌
青母活子死唇舌俱青口出沫子母俱死面青舌赤

母死子活○半產漏下脉小流連者生急疾大數者死○新產寸口脉洪疾不調者死沉微附骨不絕者生○
妊娠八月欲產脉實太有力弦緊者生沉細者危
脉細勻易產浮緩氣散難產

妊娠四月○三部俱滑而疾在左爲男在右爲女遣
向南行從後呼之左迴是男右迴是女

滑伯仁曰脉者血氣之先也血氣勝則脉勝血氣衰
則脉衰血氣熱則脉數血氣寒則脉遲血氣微則脉

微血氣平則脉治。長人脉長。短人脉短。性急人脉亦急。性緩人脉亦緩。左大順男。右大順女。男子尺脉常弱。女子尺脉常盛。反之者逆。

月經

經曰。女子二七天癸至。乃天一真陰之癸水。二七陰氣盛。盛則溢泄。又名月水。取月圓則缺之象。陰陽和平。則應時。氣血垂戾。則改度。故曰血者氣之配。隨氣而行。調經者。調其氣。氣順而經自正。先期而行者。氣

熱也。法當清之。丹皮、生地、白芍、麥冬、青蒿、香附、丹參、地骨皮之類。後期而行者。血不足也。法當補之。歸脾、八珍之類。將行而痛者。氣滯也。當疎氣和血。芎歸、益母、澤蘭、香附、玄胡索、木香、砂仁、肉桂、陳皮、炮薑之類。來後作痛者。氣血俱虛也。色淡亦屬虛。八珍、歸脾補中益氣選用。錯經妄行者。氣亂也。宜調其氣。紫者。氣熱也。黑者。熱甚。涼血和血為主。

凡經水將畢。或正行時。真氣方虧。切忌破氣。尅伐。雖

有他症從輕而治乃可。如胃寒有表邪。補中益氣加表藥。如停滯。補中益氣加消導。此妙法也。

凡婦人面色痿黃。四肢怠倦。右寸關脉弦滑無力。是脾胃受虧。食少不能生化氣血。宜補中益氣。脾胃和而經自行。

若軀脂滿閉。脉沉伏惡心。少食肉多色白。人屬痰多。占住血海。所生之血亦少。宜二朮二陳。升柴越鞠。以化痰燥脾。忌用地黃。性滯故也。

素多鬱悒。脉弦數。身潮熱。作痛。兩脇脹。屬鬱悒。是肝燥而不行。宜平肝氣。養肝血。而經自行。

身體瘦弱。兩手脉俱細弱。倦怠少食。屬氣血兩虛。八珍歸脾主之。

形體漸瘦。消穀善饑。脉數疾。屬胃燥不能生血。宜瀉火。養胃。兼生血。潤燥。

勞心太過。心血耗散。火動於中。心煩驚悸。月事不來。宜安心補血降火。柏子養心丸。或補心丹之類。

陰虛火甚。脉弦數。六味地黃丸。加人參主之。
大便秘結。小便雖清不利。經水閉絕。右尺洪數。乃下
焦血海乾枯。宜調血潤燥。瀉胞絡中火邪。經自行矣。
忌用通經利藥。

月水閉而飲食形容如故。或惡心阻隔。兩尺有神。此
孕。非病。

多身熱身痛。脉濇數。肌膚乾燥不澤。內無嘔脹。此血
枯。經閉。宜大補脾胃。以滋化源。血生而經自行。

大病後經閉屬虛。宜補脾養血。元氣復自通。

行經時浣濯入冷。或食冷物。熱血得寒凝滯。血海之

中每行經時腹痛不可忍。宜芎歸、玄胡索、木香、乳沒

香附、炮薑、肉桂逐去惡紫血爲佳。不然漸成血瘕。

小腹有塊作痛。時白物下。經水不通。是血瘕。宜逐瘀

補氣。

汚血在血海。必痛。且有形實者。可通。虛者慎之。

多鬱悶。人心下脹。噯不食。經事不調。身痛潮熱。漸變

骨蒸不食。忽寒忽熱。耳下結核。癰瘰馬刀。形容枯槁。脉弦數。或細數。澹。或沉結。久之變成瘵。益氣養榮湯主之。

經水過期。瘦人由於血少。宜助脾生血。補中益氣湯。加紅花。益母子。肥人由於氣虛有痰。六君子加芎歸。身體羸弱。潮熱脉細數。月水不通。屬陰虛血少。陽火旺。火逼水涸。當養血益陰。慎勿以毒藥通之。栢子仁丸。澤蘭丸。妙。

栢子仁丸

栢子仁

炒研

牛膝

酒伴

卷栢

各半兩

澤蘭葉

川續斷

各

兩

熟地

用生者三兩忌鐵酒蒸搗膏

俱末入地黃膏加蜜丸空

心米飲下三十丸

澤蘭湯治同前

澤蘭

三錢

當歸

酒伴

芍藥

炒各一錢

甘草

五分

水煎服

逍遙散用歸芍白朮白茯苓甘草柴胡乃清肝和血之

劑婦人肝經血分中有風有火炒品加丹皮梔子更

